



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus


Treveris, 1638

27. Henrici IV. Imperatoris Dat. in Triburia, Anno MLXVI.

urn:nbn:de:hbz:466:1-14268

Abbati persoluat, nulliusque nisi Abbatis, vel ab eo constitutorum placitum attendat, & in singulis Ciuitatibus regalibus, vel praefectorijs liberam potestatem habeant intrandi & exeundi, vendendi & emendi, pascendi & adaquandi, eisque opera regalia & comitalia funditus perdonamus. Et vt hoc autoritatis nostrae praecipuum firmum & stabile permaneat, manu propria corroborantes, Sigilli nostri impressione insigniri iussimus.

Signum Domini Henrici Quarti Regis. Sigebardus Cancellarius vice Sigefridi Archicancellarij recognoui. Data anno Dominicae Incarnationis MLXV. Indictione III. Anno autem ordinationis Domini Henrici Quarti Regis XII. Regni vero IX. Actum Treuiris in Dei nomine feliciter. Amen.



27.

*Henrici IV. Imperatoris Datum in Triburia, Anno
MLXVI.*

IN nomine Sanctae & indiuiduae Trinitatis. Henricus diuinæ pietatis adiuuante clementiâ Rex. Si locis diuino cultui mancipatis, & inibi Deo famulantibus dignè consulimus, multò magis illi loco sacratissimo aliqua pietatis opera impendimus, per quem, & à quo Regni nostri statum semper confirmabimus, & coniugem nostram legitimo iure nostrae Regalitati in Regnum associare, dotare & sublimare debemus. Proinde cunctis fidelibus nostris, tam praesentibus scilicet, quam futuris notum esse volumus, qualiter nos de nostri statu

regni tractantes Berhdam conestalem nostram in Christo nobis dilectissimam à cunctis regni nostri Principibus electam, regalibus nuptijs in Villâ Triburiâ nostræ regalitati copulauimus, & secundùm morem & institutionem pijsissimi Genitoris nostri, Auique nostri, Henrici videlicet atque Chuonradi inuictissimorum Imperatorum, aliorumque prædecessorum nostrorum Regum & Imperatorum, Henrici, nec non trium Ottonum, Arnolphi, Magni Karoli, Pippini, Dagoberti, Constantini & omnium Regum & Imperatorum à tempore præfati Constantini & Helenæ matris illius sanctissimæ vsque ad nos, cum Abbatia Sancti Maximini, qui in suburbio Treuironum corporaliter quiescit, cum omnibus rebus & Ecclesijs ac possessionibus ad eam in quibuscunque locis iuste & legaliter pertinentibus prænominatam Coniugem nostram Bertham scilicet Reginam legitimo iure in regnum nobis associauimus, dotauius ac perpetuo iure firmamus, vt sicuti reuera primitus per Beatum Petrum Apostolum, & discipulos illius sanctissimos Eucharium, Valerium & Maternum, & postea per beatum Agritium, Maximinum atque Paulinum in Treuirensi Episcopo, & inde per totam Galliam Catholicæ fidei & Christianæ deuotionis cepit pullulare & initiare sacramentum: ita & præfatum Abbatiam Sancti Maximini omnes Reges & Imperatores ac Coniuges illorum regni dignitatis & propagandæ sobolis percipiant fundamentum. Volumus etiam atque huius nostræ Regalitati edicto præcipimus atque firmamus, vt eadem Abbatia nulli Ecclesiæ vel sedi siue personæ quoquo pacto vnquam famula aut appendix subiacet, sed, sicut sub prædecessorum nostrorum, sic sub nostro quoque Mundi-burdio & defensione, aliorumque successorum nostrorum tuitione libera semper permaneat. Addentes videlicet, & per hoc nostræ Regiæ authoritatis priuilegium firmissimè decernentes, vt Theodericus eiusdem loci Abbas, siueque successores prænominatæ conestali nostræ Berhdæ, scilicet in Christo nobis carissimæ, alijsque post illam Reginis & Imperatricibus in regni curiâ semper seruiant & obsequantur. Et quia sub Henrico, piæ memoriæ Augusto, ante Auum nostrum Cuonradum proximo ea bona illis ablata sunt, vnde ad militiâ ire vel nostræ regalitati seruire, aut vnde se, suosque prius victitare videbantur, volumus atque constituimus, vt quotiescunque ad regalem curiam venerint, siue vocati fuerint, de regni mensâ pascantur, & inter curiales & domesticos, atque Capellanos Regis & Reginæ non infimi semper habeantur, sicut reuera ministros & procuratores illius Ecclesiæ decet, de qua & per quam Reges, & Imperatores, & Cōiuges illorum legitimo iure in regnum & Imperium semper dotari & confirmari videbuntur. Constituimus præterea, & ad præbendam fratrum inibi Deo famulantium specialiter delegamus, quidquid per priuilegia Henrici Genitoris nostri atque Cuonradi Aui nostri, aliorumque prædecessorum nostrorum Regum & Imperatorum, à Constantino videlicet & Helena matre eius vsque ad nos, ad peculiaritatem illorum pertinere cognouimus, id est, has Ecclesias, Gozouesheim, Albucho, Weildestein, Wienheim, Hufun, Diedenhoun, Winuddun, & in super omnes Sancti Maximini Ecclesias cum Decimis, cuiusque Curtes beneficiatæ sint, nec non omnes salicæ terræ decimationes, quas in vsus hospitem, peregrinorum ac pauperum constituimus, vel quidquid in his locis habere videntur hætenus, hoc est, Suaueheim, Euernefheim, Mannendal, Narheim, Apula, Sceringesfelt, Bukinheim, Hefinesheim, Siemera, Gunthereshufun, Ruosbach, Holtzhufun, Sueppenhufun, Riuenach, Louuin, Okeisheim, Lieznich, Fracturis, Ratheresdorff, Bustat, Meifbrath, Frainkingun, Miettriche, Decima & Vallis cum suis pertinentijs, Marki-

deth,

deth, Daleheim, Murmirdinga, Druhildinga, Lische, Scitlinga, Mambro, Linniche, Miersche, Euerlinga, Fula, Astillabrunna, & quod in pago Blefense, siue Salnense, aut Sallingowe, vel iuxta Metensem Urbem in villa Willere, aut in ipsa Ciuitate in vineis aut areolis habere videntur. Curtem etiam quandam vocabulo Prichina vltra Rhenum fluuium sitam, quam genitor noster Henricus piæ memoriæ Imperator Augustus per præfatum Theodoricum Abbatem cuidam Anshelmo ministro suo beneficiari præcepit, sed postea pœnitentia ductus, & beati Leonis Papæ atque Agnetis Genitricis nostræ pijsimæ interuentu commonitus, eidem loci fratribus reddidit atque firmavit, ita & nos illius exemplum sectantes, eandem curtem cum omnibus rebus ad eam iustè & legaliter pertinentibus Sancto Maximino & Fratribus sibi seruientibus ab ista die & deinceps per interuentum Bertræ contestalis nostræ dilectissimæ reddimus atque firmamus, & vt sagimen & femoralia, mantelas & mensalia inde habeant, & hospites ac pauperes inde suscipiant, statuimus atque iubemus, & vt nullus successorum nostrorum Regum vel Imperatorum, neque Abbas aliquid de prædictis Curtibus vel Ecclesijs præter hæreditaria seruientium beneficia cuiquam præstare præsumat, firmissimè interdicimus. Harum omnium rerum testem cartam hanc inde conscribi, & Sigilli nostri impressione iussimus insigniri.

Signum Domini Henrici Quarti Regis. Sigehardus Cancellarius ad Vicem Sigefridi Archicancellarij recognoui. Data III. Idus Iulij. Anno Dominicæ Incarnationis MLXVI. Indictione IV. Anno ordinationis Domini Heinrici IV. Regis XII. Regni vero X. Actum in Triburia in Dei nomine. Amen.



28.

*Theodorici Abbatis Sancti Maximini Declaratio
& Constitutio.*

IN nomine Sanctæ & indiuiduæ Trinitatis. Notum sit omnibus fratribus nostris tam præsentibus quàm etiam futuris qualiter ego Theodericus Cœnobij S. Maximini Abbas indignus, in ipso momento, cum mihi data esset Abbatia à Domino meo Imperatore tertio Henrico multis precibus ab eodem conuictus & ipsius autoritate ad primam eius petitionem nimium cōstrictus, illud maximum bonum de Brechena cuidam fideli suo, Anselmo nomine, non sine multis lachrymis in præsentia ipsius Imperatoris mea manu vsq; in finem dumtaxat vitæ suæ præstiterim. Seruientes itaque excepimus, quos Domina Wendela, dum ipsam Curtem Sancto Maximino tradidit, habebat, quos Scaremamos vocamus, qui cum viginti mansis terræ à nobis retenti sunt, & nullatenus ipsi beneficio adiuncti. Hi enim nobis in Curte Sancti Maximini & vbi